

IZVJEŠTAJ

sa javne rasprave o Nacrtu Budžeta Grada Tuzla za period 01.01. - 31.12.2017.godine i Nacrtu Odluke o izvršavanju Budžeta Grada Tuzla za 2017.godinu

Nacrt Budžeta Grada Tuzla za period 01.01. - 31.12.2017. godine i Nacrt Odluke o izvršavanju Budžeta Grada Tuzla za 2017.godinu razmatrani su i usvojeni na 2. redovnoj sjednici Gradskog vijeća Tuzla, održanoj dana 22.12.2016. godine. Gradsko vijeće donijelo je Zaključke kojima je usvojilo nacrt ovih dokumenata koji se upućuju na javnu raspravu u trajanju od 25 dana i ovlastilo Gradonačelnika da donese Odluku o načinu provođenja javne rasprave.

Na osnovu Zaključka sa ove sjednice Gradonačelnik je, dana 22.12.2016. godine, donio Odluku o načinu provođenja javne rasprave, broj: 02-14-9095/2016 kojom se zadužuju:

- Služba za komunalne poslove, izgradnju i poslove MZ-a da organizuje i provede javnu raspravu o Nacrtu Budžeta i Nacrtu Odluke o izvršavanju Budžeta Grada Tuzla za 2016. godinu sa savjetima mjesnih zajednica i korisnicima Budžeta Grada Tuzla koji su planirani Nacrtom Budžeta u okviru sredstava ove Službe uključujući i javna komunalna preduzeća;
- Služba za razvoj, poduzetništvo i društvene djelatnosti da organizuje i provede javnu raspravu o Nacrtu Budžeta i Nacrtu Odluke o izvršavanju Budžeta Grada Tuzla za 2016. godinu u dijelu sredstava koja se odnose na korisnike iz oblasti kulture, sporta i udruženja, te da u istu uključi javne ustanove čiji je osnivač ili suosnivač Grad Tuzla, a korisnici su Budžeta Grada Tuzla;
- Služba za boračko-invalidsku zaštitu da organizuje i provede javnu raspravu o Nacrtu Budžeta i Nacrtu Odluke o izvršavanju Budžeta Grada Tuzla za 2016. godinu u dijelu sredstava koja se odnose na korisnike iz oblasti boračko - invalidske zaštite.

U vezi sa javnom raspravom Gradonačelnik je uputio Javni poziv za javnu raspravu o Nacrtu Budžeta Grada Tuzla za 2017.godinu i Nacrtu Odluke o izvršavanju Budžeta Grada Tuzla za 2017.godinu, broj:02-14-9096-2016 od 22.12.2016.godine, kojim su pozvani građani, organizacije, pravna lica i drugi zainteresovani subjekti da u periodu provođenja javne rasprave lično ili putem svojih organizacija dostave eventualne prijedloge, primjedbe i mišljenja vezano za budžet. Javni poziv objavljen je u elektronskim medijima i na Web stranici Grada Tuzla.

1. PRIMJEDBE, PREDLOZI I SUGESTIJE VIJEĆNIKA U GRADSKOM VIJEĆU TUZLA

U skladu sa Zaključcima II redovne sjednice Gradskog vijeća Tuzla održane dana 22.12.2016.godine, primjedbe i sugestije svih vijećnika u vezi sa Nacrtom Budžeta Grada Tuzla za 2017.godinu predstavljaju sastavni dio javne rasprave.

Služba za budžet i finansije je na osnovu izvoda iz Stenograma II sjednice izdvojila primjedbe i sugestije vijećnika Gradskog vijeća Tuzla, kako slijedi:

- NEDŽAD MALKIĆ (Tuzlanska alternativa)

- Predlaže da se povećaju sredstva za održavanje javne rasvjete sa 200.000,00 KM na minimalno 400.000,00 KM.
- Predlaže da se izdvoje sredstva u iznosu od 500.000,00 KM za nabavku alternativnih peći, čime će se 300 ili 400 odžaka koji zagađuju naš grad, umanjiti.
- Radnicima d.o.o. Direkcija za izgradnju omogućiti uplatu doprinosa kako bi isti mogli otići u zasluženu penziju.
- Povećati iznos sredstava koja su planirana za sportske i kulturne manifestacije.

-SABAHUDIN IMAMOVIĆ (Stranka demokratske akcije)

- Klub vijećnika Stranke demokratske akcije je podržao Nacrt budžeta, a u formi Amandmana će na tekst Prijedloga budžeta intervenisati na januarskoj sjednici.

- REJHANA DERVIŠEVIĆ (Socijaldemokratska partija)

- Porez na dodatnu vrijednost u Nacrtu budžeta manje je planiran za oko 400.000,00 KM. Predlaže da Gradsko vijeće Vladi Federacije uputi zahtjev za izmjenu Zakona o pripadnosti javnih prihoda u smislu pravilnije i pravednije raspodjele.
- Tekući i kapitalni trasferi od Federacije BiH i Tuzlanskog kantona su znatno smanjeni. Predlaže da se uputi zahtjev Vladi TK da se utvrde jasni kriteriji raspodjele ovih sredstava u obliku pravilnika ili nekog drugog akta gdje bi se definirala mogućnost pravovremene i direktne raspodjele tih sredstava.
- Za veliku pohvalu jeste kontinuitet brige o građanima, povećanje sredstava za oblast poduzetništva, planiranje sredstava za romsku, ali i za ostale nacionalne manjine i izdvajanje sredstava u oblasti socijalnog zdravstvenog zbrinjavanja.

- EDIM KADIĆ (BOSS)

- Ističe da se prihodi mogu povećati samo investicijama i novim zapošljavanjima.
- Predlaže uvođenje taksi na kladionice.
- Poziva građane Grada Tuzla da kupuju domaće.
- Za pohvalu je što se u budžetu predvidilo za poduzetništvo i za ulaganje i pomoć našim ljudima.
- Predlaže da se uputi zahtjev Skupštini Kantona, ministru, premijeru Vlade za povećanje sredstava za sport.
- Predlaže da se izvrši sistematizacija u Gradu Tuzla.
- Klub podržava Nacrt budžeta.

- ELVIR KASUMOVIĆ (Savez za bolju budućnost)

- Klub Saveza za bolju budućnost podržava Nacrt budžeta, s tim što su razmatrajući neke stavke uočili nedostatke, pa će amandmanski u tom smislu djelovati.

- IVICA KOVAČEVIĆ (HDZ)

- Da se provede obavezno javna rasprava po svim javnim mjesnim zajednicama Grada Tuzla, kako bi mjesne zajednice imale dovoljno vremena da dostave, da odrade javnu raspravu i dostave svoje prijedloge za nadopune ili izmjene proračuna.

- Nedovoljno tekuće održavanje, iznosi koji su predviđeni za puteve i za rasvjetu.

- Posebno ističe sanaciju klizišta u Gradu Tuzla i održavanje domova kulture.

- Mještani Kosaca i Tetime trebaju dobiti javni prevoz.

- Smatra da se Gradsko vijeće treba koncentrirati posebice na dvije stvari, na pitanje vode i pitanje zraka.

- MENSUR ALIĆ

- Smatra da će Nacrt budžeta pretrpiti izmjene u samoj javnoj raspravi.

- Da se naprave jednostavno istok - zapad dvije poslovne zone koje će biti nosioci razvoja Grada Tuzla.

- Smatra da je iznos od 400.000,00 KM, izdvojen za poslovne zone, mali i da se treba podići kredit i to kredit koji je opravdan 100%.

- Prijedlog Službi za budžet i finansije da pokuša, ako postoji mogućnost da sve one kredite do sad što imamo, što smo u zadnjih deset godina uzeli, te kredite da pokuša da sastavi u jedan ili u dva kredita.

- MIRNES AJANOVIĆ (BOSS)

- Za pohvalu je što se za zaštitu socijalno ugroženih građana izdvaja milion i po maraka.

- Smatra da je Blok 7 prioritet.

- Da zakon o izmjenama Zakona o inspekcijama na TK omogući da i grad može imati nadležnu inspekciju kontrole zraka.

- NEDŽAD MALKIĆ

- Treba uvijek imati dovoljno sredstava kada su u pitanju izdvajanja za rad zimske službe, higijenu grada i održavanje zelenih površina i smatra da su sredstva za rad zimske službe u iznosu od 450.000,00 KM nedostatna.

- Traži da mu se dostavi izvještaj koliko su naši građani skupili sredstava, koliko ima sredstava na Posebnom računu gdje su građani skupili sredstva kako bi se moglo ući u kontinuitet završavanja projekata..

-ERNA MEŠIĆ (Socijaldemokratska partija)

- Primjedba na grant za projekte za mlade koji je smanjen u odnosu na 2016. godinu.
- Primjedba na program kontrole populacije pasa u gradu Tuzla koji je smanjen u odnosu na 2016. godinu.

- NEDŽAD JUSIĆ(Nacionalne manjine)

- Pohvala za dodatna budžetsku stavku za podršku razvoja udruženja nacionalnih manjina, ali uz konstataciju da je iznos od 12.000,00 KM nedovoljan.
- Da stavka za podršku romskoj nacionalnoj manjini ostane na nivou 2016. godine.
- Veliki broj građana Tuzle nemaju zdravstvenu zaštitu i da treba osigurati i predvidjeti neke aktivnosti kako bi se građanima obezbjedila najpotrebnija zdravstvena zaštita.
- Sredstva za finansiranje nevladinog sektora nedovoljna.
- Pohvala za oblast socijalnog stambenog zbrinjavanja.

-MIRZA TUPAJIĆ

- Konstatuje da je 50.000,00 KM veoma malo sredstava za izgradnju igrališta i sportskih poligona.
- Potrebno izdvojiti oko 400.000,00 KM za sanaciju klizišta jer je nedovoljno 150.000,00 KM koliko je trenutno izdvojeno.

- NATAŠA PERIĆ

- Inicijativa da se u Budžet 2017.godine uvrši stavka za obnovu spomen ploča na Slanoj banji, obzirom da su u lošem stanju neophodno je da se izvrši obnova istih, jer je naš grad poznat po antifašističkoj tradiciji.Imajući u vidu da ovaj projekat zahtjeva velika finansijska sredstva za početak bi trebalo da se obnovi najugroženijih 300 spomen ploča.

2. PRIMJEDBE, PRIJEDLOZI I SUGESTIJE GRADSKIH SLUŽBI

- SLUŽBA ZA INTERNU REVIZIJU

- Zahtjev za povećanje na poziciji Plaće, Naknade troškova zaposlenih i Doprinosi poslodavca za još jednog zaposlenika (stručni savjetnik – revizor).

- SLUŽBA ZA RAZVOJ, PODUZETNIŠTVO I DRUŠTVENE DJELATNOSTI

Zahtjev vezano za Odluku o izvršavanju Budžeta Grada Tuzla za 2017. godinu da iz člana 20. Odluke izbrišete slijedeće pozicije:

- Grantovi neprofitnim organizacijama – udruženja poljoprivrednika – ova pozicija je regulisana članom 22. Odluke
- Grantovi za kulturne i grantovi za sportske manifestacije – ove pozicije su regulisane posebnim Pravilnicima Službe i ne raspoređuju se na osnovu programa i odluke Gradonačelnika, niti se na korisnicima zaključuju ugovori, kako je predviđenom ovim članom Odluke;
- Pozicije na kojima nisu planirana sredstva u 2017. godini i to : Grant za JU Muzej Istočne Bosne, Kapitalni grant za JU Međunarodna galerija portreta, Grant neprofitnoj organizaciji – Kulturna udruženja , Grant za JP Veterinarska stanica – Program kontrole populacije pasa u gradu Tuzla.

U zahtjevu se navodi da je potrebno da se u član 20. Odluke dodaju slijedeće pozicije:

- Grant za ostale nacionalne manjine
- Grant za projekte za mlade
- Grant za Crveni križ – za projekat tuđa njega i pomoć
- Grant za uspostavu i početak rada Turističke zajednice grada Tuzla
- Kapitalni grant za Turističku zajednicu – nabavka opreme
- Grant za novoosnovane subjekte iz oblasti poduzetništva
- Kapitalni grant za JZNU Dom zdravlja – ugradnja lifta
- Kapitalni grant za JU Dom penzionera – za nabavku vozila

- 3. IZVJEŠTAJ SA JAVNE RASPRAVE O NACRTU BUDŽETA GRADA TUZLA ZA 2017.GODINU SLUŽBE ZA KOMUNALNE POSLOVE, IZGRADNJU I POSLOVE MZ-a SA PREDSTAVNICIMA SAVJETA MZ-a, JAVNIH PREDUZEĆA I UDRUŽENJA GRAĐANA

Služba za komunalne poslove, izgradnju i poslove mjesnih zajednica Grada Tuzla organizovala i provela javnu raspravu o Nacrtu Budžeta Grada Tuzla i Nacrta Odluke o izvršenju Budžeta Grada Tuzla za 2017. godinu sa savjetima mjesnih zajednica i korisnicima budžeta Grada Tuzla, dana 11.01.2017. godine, u prostorijama Kina Kaleidoskop u Tuzli, na kojoj je bilo prisutno 40 (četrdeset) predstavnika savjeta mjesnih zajednica Grada Tuzla. Većina prisutnih su uzeli aktivno učešće na raspravi, te tom prilikom iznijeli svoje prijedloge i sugestije na predmetni budžet.

Pored navedenog savjeti mjesnih zajednica dostavili su i pismene izvještaje sa sastanaka savjeta mjesnih zajednica sa prijedlozima i sugestijama na Nacrt i Odluku Budžeta Grada Tuzla za 2017.

Ukupno 21 (dvadesetjedan) savjeta mjesnih zajednica podržava Nacrt Budžeta Grada Tuzla i Nacrt Odluke za 2017. godinu bez primjedbi i sugestija, 2 (dvije) mjesne zajednice se nisu izjasnile o istom, dok su preostalih 17 (sedamnaest) savjeta mjesnih zajednica, 2 (dva) javna preduzeća, Grupa za čist zrak i UG Kuća plamena mira Tuzla iznijeli određene sugestije i primjedbe na Nacrt i Odluku predmetnog budžeta, kako slijedi:

MZ BRČANSKA MALTA

- Prijedlog da se u Budžet Grada Tuzla uvrsti stavka kojom će biti predviđena sredstva za toplifikaciju individualnih stambenih objekata na području mjesne zajednice Brčanska Malta, a iz razoga smanjenja aerozagađenja.

MZ STARI GRAD

- Prijedlog da ekonomski kod 613727-9 - Izdaci za tekuće održavanje prostorija mjesnih zajednica, poveća sa planiranih 40.000,00 KM na 80.000,00 KM, iz razloga što su prostorije mjesnih zajednica u veoma lošem stanju i već duže vrijeme se ne ulaže dovoljno sredstava u održavanje istih.

- MZ BUKINJE

- Da se na osnovu zaključaka GV Tuzla po građanskoj inicijativi iz 2016.godine i inicijativi iz 2011.godine uskladi prijedlog Budžeta.
- Da se namjenska sredstva ostvarena po Zakonu o zagađenju zraka planirana u visini od 5.300.000,00 KM prioritetno planiraju za projekte smanjenja ekološkog zagađenja, prvenstveno za širenje toplinske mreže u neposrednom okruženju TE Tuzla jer time bi se postigao najveći efekat smanjenja zagađenja zraka.
- **MZ BUKINJE - GRAĐANI NASELJA DIVKOVIĆI**
- Predlažu da se u rashodima sredstava it TE Tuzla - kapitalni izdaci planira nova stavka „Završetak radova na malonogometnom igralištu Gornji Divkovići“ u iznosu od 30.000,00 KM.

MZ PASCI GORNJI

- Prijedlog da se u rashodima 05 - Služba za komunalne poslove, izgradnju i poslove mjesnih zajednica za kapitalne izdatke uvrsti stavka - Učešće u izgradnji i dovršenju objekta u mjesnoj zajednici Pasci Gornji koji je namjenjen za: ispostavu Veterinarske stanice Tuzla, otkupnu stanicu mlijeka, sjeenru i otkup ljekovitog bilja, te prostorije na spratu objekta namjenjene za rad mjesne zajednice i udruženja građana na području mjesne zajednice. Predračunska vrijednost navedenog objekta iznosi 26.000,00 KM, a sve iz razloga što se grani sa područja ove mjesne zajednice pretežno bave poljoprivredom i stočarstvom. Navedena sredstva neophodna za izgradnju objekta obezbjediti na način da se izdaci predviđeni za obnavljanje javnih dobara u iznosu od 800.000,00 KM umanje za isti.

MZ GORNJA TUZLA

- Povećati izdatke za održavanje prostorija mjesnih zajednica - ekonomski kod 613727 - 9 za iznos neophodan za realizaciju projekta utopljanja i rekonstrukcije stolarije na Društvenom domu Gornja Tuzla, a u skladu sa Zaključkom Gradskog vijeća Grada Tuzla od 31.05.2016. godine. Potrebna sredstva osigurati sa ekonomskog koda 615311 - grantovi namjenjeni za učešće u projektima energetske efikasnosti - sredstva ostvarena radom termoelektrane.
- Služba za ekonomski razvoj i društvene djelatnosti ekonomski kod 611100 - JU „Dom mladih“ Tuzla - Plaće, uvećati za iznos bruto plaće jednog radnika na čišćenju i održavanju prostora u Društvenom domu Gornja Tuzla.

- Služba civilne zaštite, ekonomski kod 614311-35 - grant neprofitnim organizacijama DVDa na području grada Tuzla planirani iznos od 10.000,00 KM za područje grada Tuzla povećati za iznos od 10.000,00 KM koji će biti u cjelosti namjenjen mjesnoj zajednici Gornja Tuzla, tačnije DVD-u Gornja Tuzla.

MZ NOVI GRAD I

- Prijedlog planiranja većih sredstava za tekuće održavanje prostorija mjesnih zajednica i nabavku inventara.
- Prijedlog povećanja planiranih sredstava za rad Crvenog krsta/križa iz razloga povećanja broja socijalno ugroženih građana i starih i iznemoglih osoba kojima je potrebna pomoć za iznos od 50.000,00 KM, a sa stavke Aero klub Ciljuge i budžetske rezerve na ime projekta „Pružanje pomoći za njegu starih i iznemoglih osoba“.

MZ GRABOVICA

- Prijedlog da se planiraju sredstva za zimsko održavanje puteva u visinskim zonama, te stavku povećati sa redovnog održavanja.
- Prijedlog da se zbog teške ekonomske situacije u kojoj se nalazi sve veći broj građana poveća iznos za rad Crvenog križa/krsta grada Tuzla, a sa stavke Aero kluba.

MZ LIPNICA

- Prijedlog da se planirana sredstva u iznosu od 2.000,00 KM sa ekonomskog koda 613400 - Nabavka materijala povećaju na iznos od 4.000,00 KM, iz razloga što je iznos od 4.000,00 KM minimum koji bi zadovoljio potrebe za materijalom za rad 40 mjesnih zajednica na području grada Tuzla.
- Prijedlog da se planirana sredstva sa ekonomskog koda 613727-9 - Izdaci za tekuće održavanje prostorija mjesne zajednice povećaju sa planiranog iznosa od 40.000,00 KM na iznos od 60.000,00 KM, iz razloga što su prostorije većine mjesnih zajednica neuslovne za rad i ne zadovoljavaju sanitarni minimum.
- Prijedlog da se sredstva ostvarena po osnovu naplate zakupnine poslovnih prostora mjesnih zajednica uplate na podračun te mjesne zajednice, kako bi sa istim mjesna zajednica namjenski raspolagala (održavanje prostorija mjesne zajednice, nabavka posipnog materijala, manje investicije na području mjesne zajednice i sl.)
- Prijedlog da se u buduće u Budžetu Grada Tuzla izvrši konkretna raspodjela sredstava po mjesnim zajednicama sa naznakom projekata koji će se finansirati sa posebnog računa.

MZ GORNJA LIPNICA

- Prijedlog povećanja izdataka za tekuće održavanje puteva, koji su u jako lošem stanju usljed klizišta.
- Prijedlog povećanja iznosa za poziciju „Izgradnja vodovodne i kanalizacione mreže i objekata vodosnabdijevanja“, područje MZ Gornja Lipnica ima veliki problem sa vodosnabdijevanjem, te je kompletno područje mjesne zajednice bez kanalizacione mreže.
- Prijedlog povećanja stavke „Regulacija i čišćenje vodotoka“.

- Prijedlog povećanja stavke „Izdaci za tekuće održavanje prostorija mjesnih zajednica“, iz razloga što su iste u jako lošem stanju i bez osnovnih uslova za rad.

MZ BREŠKE

- Prijedlog povećanja sredstava predviđenih za izgradnju komunalne infrastrukture na području grada, kako bi se riješili nagomlani problemi komunalne infrastrukture u mjesnoj zajednici Breške, prije svega izgradnji i rekonstrukciji puteva, vodosnabdjevanja i javne rasvjete.
- Prijedlog povećanja sredstava predviđenih za tekuće održavanje prostorija mjesnih zajednica i nabavku opreme.

MZ PAR SELO

- Prijedlog povećanja izdataka za tekuće održavanje prostorija mjesnih zajednica – ekonomski kod 613727 – 9.
- Prijedlog da se po ekonomskom kodu vezanom za groblja, odvoje sredstva za pomoć MZ Par Selo u izgradnji prostorije za vršenje vjerskog obreda prilikom sahrane na grobljima Par Selo i Orašje, te da se ista ograde betonskim stubovima i žicom, kao i proširenje mjesnog groblja u Par Selu i Orašju.

MZ DOKANJ

- Prijedlog povećanja sredstava predviđenih za izgradnju komunalne infrastrukture, kako bi se riješili problemi komunalne infrastrukture na području mjesne zajednice Dokanj, prije svega vodosnabdjevanje mjesne zajednice Dokanj, izgradnja i rekonstrukcija putne infrastrukture, javne rasvjete i dr.)
- Prijedlog povećanja sredstava za izdatke tekućeg održavanja prostorija mjesnih zajednica i nabavku opreme – ekonomski kod 613727 – , iz razloga što su prostorije mjesne zajednice Dokanj u lošem stanju i zahjevaju hitnu adaptaciju.

MZ SOLANA

- Prijedlog da se ekonomski kod 613400 – nabavka materijala poveća na način da iznosi 1.000,00 KM po mjesnoj zajednici, dakle na iznos od 40.000,00 KM.
- Prijedlog da se ekonomski kod 613727-9 – izdaci za tekuće održavanje prostorija mjesnih zajednica sa planiranog iznosa od 40.000,00 KM poveća na iznos od 200.000,00 KM iz razloga što su prostorije mjesnih zajednica na području grada u izuzetno lošem stanju.
- Da se sredstva u iznosu od 5.300.000,00 KM, a koja će biti uplaćena od strane Elektroprivrede BiH na račun Grada Tuzla u toku 2017. godini po osnovu rada Termoelektrane Tuzla u skladu sa Zakonom o izdvajanju i usmjeravanju dijela prihoda ostvarenih radom termoelektrana usmjere na izgradnju komunalne infrastrukture, poboljšanje ekoloških uslova i unapređenje zdravlja prvenstveno građana u mjesnim zajednicama koje se nalaze u neposrednom okruženju Termoelektrane Tuzla.
- Prijedlog da se planira izrada projektne dokumentacije za proširenje primarnog toplovoda i izgradnju primarnog toplovoda, projektnu dokumentaciju za kanalizacionu mrežu i njenu izgradnju, projektnu dokumentaciju za regulaciju korita Moluške rijeke i radova na regulaciji, semaforne signalizacije, asfaltiranje školskog dvorišta, kao i drugih projekata neophodnih za poboljšanje ekoloških uvjeta života i zdravstvenog stanja pojedinaca.

MZ SOLINA

- Prijedlog da se planira i izdvoji više sredstava za toplifikaciju individualnih stambenih objekata, te da se sredstva dobijena kao naknada od strane Termoelektrane Tuzla utroše u toplifikaciju grada, a sve u cilju zaštite životne sredine i smanjenja aerozagađenja.
- Prijedlog izrade projektne dokumentacije za prikućenje individualnih stambenih objekata na sistem dalinskog zagrijavanja na području mjesne zajednice Solina.

MZ ŠIĆKI BROD

- Prijedlog da sredstva ostvarene od naknade Termoelektrane Tuzla po Nacrtu Budžeta za 2017. godinu u iznosu od 5.300.000,00 KM budu raspoređena po mjesnim zajednicama koje se nalaze u neporednom okruženju Termoelektrane Tuzla i to u svrhu realizacije planiranih kapitalnih projekata (GAP-a), a prvenstveno za nastavak toplifikacije (u skladu sa Zaključcima Gradskog vijeća iz marta 2016. godine), izgradnju doma kulture u mjesnoj zajednici Šićki Brod, finansiranje udruženja iz oblasti kulture, sporta i ekologije, kao i finansiranje ostalih projekata sa ciljem poboljšanja uslova života građana na području ove mjesne zajednice.

MZ MOSNIK

- Prijedlog da se u Budžet uvrsti finansiranje udruženja: SUBNOAR grada Tuzla, Društvo „Josip Broz Tito“ Tuzla, Udruženje pripadnika policije 1991.-1995. „4. april“ Tuzla.
- Prijedlog da se obezbjede novčana sredstva za nabavku računarske opreme za 40 mjesnih zajednica, iz razloga dotrajalosti iste.
- Prijedlog povećanja sredstava na poziciji rashodi – ekonomski kod 613770 – izdaci za tekuće održavanje puteva, javne rasvjete, oborinske kanalizacije, čišćenje vodotoka, urbanog mobilijara i rušenje devastiranih objekata u vlasništvu Grada Tuzla sa predviđenih 380.000,00 KM na 480.000,00 KM.
- Prijedlog da se ekonomski kod 613400 – nabavka materijala poveća sa predviđenih 2.000,00 KM na 4.000,00 KM, iz razloga što predviđena sredstva nisu dovoljna za nabavku potrebnog kancelarijskog materijala i sredstava za higijenu 40 mjesnih zajednica.

JP VETERINARSKA STANICA TUZLA

- Prijedlog da se planirana sredstva u iznosu od 60.000,00 KM (kao transfer za rad iz Službe za ekonomski razvoj i društvene djelatnos) poveća na iznos 80.000,00 KM, iz razloga što su planirana sredstva apsolutno nedostatna.
- Prijedlog planiranja sredstava za provođenje aktivnosti po Programu zdravstvenog zbrinjavanja nezbrinutih životinja na području grada Tuzla za 2017. godinu, u cilju preventivnih mjera zaštite spašavanja (a koja obuhvataju vakcinaciju pasa protiv bjesnila, čipovanje pasa, izdavanje paoša za pe, sterilizaciju/kastraciju pasa, zdravstvenu zaštitu pasa u UG „Nirina“, kao i zaštitu pasa od bolesti koje se prenose sa životinja na ljude npr. bjesnilo, ehinokokoza itd.) u minimalnom iznosu od 150.000,00 KM.
- Prijedlog planiranja sredstava na ekonomskom kodu 614329-20 predviđenih za Grant Vetrinarske stanice Tuzla – Program konrole populacije pasa u gradu Tuzla, iz razloga što je za nastavak navedenog projekta u 2017. godini obezbjediti dodatna finansijska sredstva u iznosu od 20.000,00 KM, a prevashodno za upis 571 psa u jedinstveni registar Grada Tuzla.

- Prijedlog planiranja sredstava za nabavku digitalnog RTG aparata za potrebe JP Veterinarska stanica Tuzla u iznosu od 80.000,00 KM (kao transfer od strane Službe za ekonomski razvoj i društvene djelatnosti, a u skladu sa zaključcima Gradskog vijeća Grada Tuzla broj: 01-05-1645-2015/11 od 30.04.2015. godine i Komisije za ljudska prava i slobode Gradskog vijeća Grada Tuzla broj: 0105-2888-2016 od 23.05.2016. godine. Navedena sredstva u iznosu od 80.000,00 KM planirati sa pozicije sredstava ostvarenih od naknade ostvarene radom Termoelektrane Tuzla.
- Prijedlog planiranja dodatnih finansijskih sredstava za rad JP Veterinarske stanice Tuzla, posebno u segmentu povedbe preventivnih dijagnostičkih procedura za opake zarazne bolesti iz grupe zoonoza (Lissa-bjesnoća, TBC, Bang-bruceloza, Q-groznica, Trihineoza, Ehinokokoza itd.), cijeneći da se te bolesti mogu prenijeti sa životinja na ljude, te izazvati teške posljedice po zdravlje ljudi, životinja i velike ekonomske gubitke, a u skladu sa višestrukim Zaključcima Gradskog vijeća Grada Tuzla.

GRUPA ZA ČIST ZRAK

- Prijedlog da se sredstva od Termoelektrane usmjere na projekte:
 1. Širenje sistema daljinskog grijanja – SDG;
 2. Sufinansiranje podstanica za SDG u cilju bržeg priključivanjavelikog broja domaćinstava na postojeću i novoizgrađenu mrežu;
 3. Sufinansiranje nabavke peći ili druge opreme za prelazak na energente koji manje zagađuju okoliš (drvo, peleti, geometralne pumpe itd.) za domaćinstva koja neće biti obuhvaćena SDG;
 4. Sufinansirani toplotne izolacije kuća i zgrada i
 5. Projekti koji će dovesti do poboljšanja kvaliteta javnog saobraćaja, pješačkih i biciklističkih staza.

JKP „VODOVOD I KANALIZACIJA“ d.o.o. TUZLA

- Prijedlog da se na str. 49: 0503 Izdaci posebnog računa Grada Tuzla – ekonomski kod 613725-2 – Izdaci za održavanje oborinske kanalizacije – planirani iznos od 50.000,00 KM poveća na iznos od 130.000,00 KM (razlika + 80.000,00 KM), uz obrazloženje da u gradu postoji cca 2500 slivnika, od kojeg broja se čisti svega 250, ukoliko se ne izvrši čišćenje svih slivnika biće potrebno mnogo više sredstava za njihovu rekonstrukciju.
- Prijedlog da se na str. 50: Kapitalni izdaci – ekonomski kod 821224-1 – Izgradnja vodovodne i kanalizacione mreže i objekata vodosnabdjevanja – planirani iznos od 563.000,00 KM smanjiti na iznos od 523.000,00 KM (razlika - 40.000,00 KM), uz obrazloženje da je smanjenje na ovoj poziciji potrebno izvršiti kao protivstavku na poziciji ekonomski kod 613725-2 – Izdaci za održavanje oborinske kanalizacije.
- Prijedlog da se na str. 52: Kapitalni izdaci – ekonomski kod 821224-1 – Izgradnja i rekonstrukcija vodovodne i kanalizacione mreže i objekata vodosnabdjevanja – planirani iznos od 500.000,00 KM smanjiti na iznos od 460.000,00 KM (razlika - 40.000,00 KM), uz obrazloženje da je smanjenje na ovoj poziciji potrebno izvršiti kao protivstavku na poziciji ekonomski kod 613725-2 – Izdaci za održavanje oborinske kanalizacije.
- Prijedlog da se u Budžetu za 2017. Godinu iz sredstava Civilne zaštite ili sredstava vodnih naknada planiraju sredstava za nabavku specijalnog kombinovanog vozila za potrebe JKP „Vodovod i kanalizacija Tuzla“, a za

potrebe poligona kanalizacije, vrijednosti cca 500.000,00 KM, uz napomenu da je JKP „Vodovod i kanalizacija Tuzla“ spremno obezbjediti dio učešća za nabavku vozila, jer nabavka istog neophodna za mogućnost obavljanja redovnih poslova i zadataka od strane ovog javnog komunalnog preduzeća.

UG KUĆA PLAMENA MIRA TUZLA

- Prijedlog da se uvećaju planirana sredstva budžeta predviđena za UG Kuća plamena mira Tuzla u iznosu od 15.000,00 KM, a radi neophodne sanacije objekta (izmjene fasade objekta, sanacije sistema centralnog grijanja, sanacije vodoinstalacija, promjene stolarije etc.) za 12.000,00 KM na godišnjoj osnovi, dakle prijedlog uvećanja sredstava budžeta na iznos od 27.000,00 KM.

4. IZVJEŠTAJ SA JAVNE RASPRAVE O NACRTU BUDŽETA GRADA TUZLA ZA 2017.GODINU SA PREDSTAVNICIMA ORGANIZACIJA IZ OBLASTI BIZ-a

U prostorijama Službe za boračko-invalidsku zaštitu, stambene poslove i povratak, dana 10.01.2017.godine sa početkom u 11 sati održana je javna rasprava o Nacrtu Budžeta Grada Tuzla za 2017.godinu i Nacrta Odluke o izvršenju Budžeta Grada Tuzla za 2017. godinu sa predstavnicima organizacija i udruženja iz oblasti BIZ-a.

U raspravi su učestvovali svi predstavnici organizacija i udruženja, i donešeni su jednoglasno sljedeći Zaključci:

1. Koordinacija boračkih organizacija i udruženja predlaže da se u prijedlogu Budžeta Grada Tuzla za 2017.godinu poveća pozicija Transfer za rad organizacija i udruženja iz oblasti BIZ-a na 200.000,00 KM , uz obrazloženje da bi u tom slučaju mogli interventno djelovati u najtežim slučajevima.
2. Koordinacija boračkih organizacija i udruženja predlaže da se poveća pozicija za jednokratne novčane pomoći korisnicima BIZ-a na 400.000,00 KM, od čega 50.000,00 KM treba biti planirano za nabavku paketa sa prehrambenim artiklima, uz obrazloženje da je evidentan porast broja zahtjeva za pomoć u slučaju teških bolesti, te postoji veća potreba za osnovnim životnim namirnicama.
3. Traži se da se u skladu sa Odlukom o komunalnom redu otvori nova pozicija u Službi za komunalne poslove, izgradnju i poslove MZ-a na kojoj će biti predviđena sredstva za sanaciju Spomen obilježja poginulim borcima '92 - '95, sanaciju spomen ploča - Spomen obilježja 1941 - 1945 i sredstva za postavljenje spomen-ploča tuzlanskim brigadama 1992 - 1995.godina, te da se pozicija „Izdaci za održavanje spomen obilježja u MZ Grada Tuzla“ sa predviđenih 9.000,00 KM iz Službe za boračko invalidsku zaštitu, stambene poslove i integraciju raseljenih lica prebaci na Službu za komunalne poslove, izgradnju i poslove MZ-a.

5. IZVJEŠTAJ SA JAVNE RASPRAVE O NACRTU BUDŽETA GRADA TUZLA ZA 2017.GODINU SA PREDSTAVNICIMA JAVNIH PREDUZEĆA, JAVNIH USTANOVA I NEVLADINOG SEKTORA IZ OBLASTI DRUŠTVENIH DJELATNOSTI

U prostorijama gradske uprave, dana 13.01.2015. godine održana je javna rasprava o Nacrtu Budžeta Grada Tuzla za 2017.godinu i Nacrtu Odluke o izvršavanju Budžeta za 2017. godinu sa predstavnicima različitih udruženja građana.

Sastanku su prisustvovali direktori slijedećih JP i JU: JU Međunarodna galerija portreta, JU Obdanište „Naše dijete“, JU NUB „Derviš Sušić“, JP SKPC Mejdan doo Tuzla, JP RPC Tuzla – Inkubator Lipnica, JP BIT centar, JU Centar za socijalni rad, JU Stadion „Tušanj“, JU Dom mladih.

Na predloženi Nacrt Budžeta Grada Tuzla za 2017. godinu prisutni su dali slijedeće primjedbe i sugestije:

- JU Međunarodna galerija portreta – budući da je ovoj Ustanovi umanjena redovna tranša sa 80.800,00 KM na 70.000,00 KM zamolili su da se sredstva planirana za manifestaciju INTERBIEPF u iznosu od 20.000,00 KM prebace na transfer za rad, jer u 2017. godini neće se održati ova manifestacija. Također su zamolili da tranša na posebnom računu ostane na nivou koliko je Kanton TK izdvajao, odnosno u iznosu od 93.639,00 KM.
- JU Obdanište „Naše dijete“ – potrebna finansijska podrška za investiciona ulaganja dugoročnog karaktera budući da raspolažu sa 10 objekata i preko 6.000m² površine. Direktorica je skrenula pažnju na obavezno predškolsko obrazovanje – iznos koji je planiran u Budžetu nije dovoljan i potrebno je obezbijediti nedostajuća sredstva jer to Ustanova iz vlastitih sredstava ne može pokriti, iznos koji nedostaje za to je 20.000,00 KM.
- JU NUB „Derviš Sušić“ – direktorica je naglasila potrebu ulaganja u objekat, kao i nabavku knjiga i opreme za rad. Sredstva koja se izdvajaju nisu sasvim dovoljna, ali tu razliku obezbjeđuju kroz vlastite prihode.
- JP SKPC „Mejdan“ doo Tuzla – direktor je naglasio potrebu ulaganja u održavanje objekta, očekivali su da će u ovoj godini biti izdvojena sredstva da se riješi bar problem kuglane sa iznosom od 150.000,00 KM, zamolili su, ako je to dopustivo, da se iznos sredstava na poziciji transfera za rad u iznosu od 250.000,00 KM umanj i da iznosi 125.000,00 KM a da se ostatak od tranše prebaci na Sportski savez grada Tuzla na ime troškova trenažnog procesa.
- JP RPC Tuzla – Inkubator Lipnica – istakao je problem oko ugovora za prostor na kojem se nalazi Inkubator, budući da ističe u 2018. godini i da to predstavlja veliki problem za sadašnje i potencijalne firme. Također je naglasio da su sredstva koja su planirana na ime transfera nedovoljna i da je potrebno bar 10.000,00 KM više obezbijediti odmah.
- JP BIT Centar d.o.o. Tuzla – potrebno je povećati sredstva transfera za rad, koja su umanjena u odnosu na prošlu godinu, a od prošle godine su u obavezi da plaćaju rentu Gradu, te neće moći plaćati ukoliko se tranša ne poveća za još 30.000,00 KM.
- JU Centar za socijalni rad – smanjen iznos sredstava u odnosu na prošlu godinu, naglasila je da imaju sve više korisnika u stanju socijalne potrebe, te povećanje broja negativnih pojava kojima se Ustanova bavi a nemaju dovoljno socijalnih radnika, te da se moraju izdvojiti sredstva za prijem najmanje dva socijalna

radnika u 2017. godini, za šta je potreban iznos od 46.000,00 KM na godišnjem nivou. Ustanova ima 10 socijalnih radnika, a po zakonu mora imati najmanje 30, te je stoga neophodno naći sredstva u Budžetu Grada Tuzla za prijem dva socijalna radnika u 2017. godini. Direktorica je također skrenula pažnju na povećanu socijalnu ugroženost građana, te da treba povećati sredstva koja se daju socijalno ugroženim kategorijama na području grada Tuzla.

- JU Stadion „Tušanj“ - ostao isti iznos sredstava, imaju problem sa Tuzlanskim kantonom jer nisu planirani u njihovom budžetu. Naglasio je potrebu ulaganja u opremu i održavanje postojećih kapaciteta Ustanove.
- JU Dom mladih - naveli su problem sa sistemom grijanja koji je prisutan u glavnoj zgradi, kao i u Domu kulture na Husinu i u Gornjoj Tuzli. Također su naveli problem sa nedostatkom radnika, potrebna najmanje 3 nova radnika.
- JP Veterinarska stanica doo Tuzla - oni su svoje primjedbe dostavili u pisanoj formi a odnose se na slijedeće: sredstva za transfer za rad su nedovoljna te im treba najmanje iznos od 80.000,00 KM. Također su naveli da nisu planirana sredstva u Budžetu za Program zdravstvenog zbrinjavanja nezbrinutih životinja na području grada Tuzla, te da je neophodno u te svrhe obezbijediti iznos od 150.000,00 KM. Isto tako, naveli su da u Budžetu nisu planirana sredstva na poziciji Program kontrole populacije pasa, te da je za to neophodno planirati iznos od 20.000,00 KM u Budžetu za 2017. godinu. Podsjetili su na Zaključak Gradskog vijeća Tuzla, broj: 01-05-1645-2015/11 od 30.04.2015. godine, da se sagledaju mogućnosti za nabavku digitalnog RTG aparata, te je potrebno da se obezbijedi iznos od 80.000,00 KM.
- JZU Gradske apoteke Tuzla - nalaze se u teškoj finansijskoj situaciji te traže da se planira iznos od 150.000,00 KM na ime tekućeg granta. Ova Ustanova ima problem sa tužbama radnika zbog nepoštivanja kolektivnog ugovora, zatim potrebno im je i za troškove noćnog rada, te troškove organizovanja ap.depoa „Dragunja“, kao i pokriće gubitka u dva ap.depoa.

- 5.1. IZVJEŠTAJ SA JAVNE RASPRAVE O NACRTU BUDŽETA GRADA TUZLA ZA 2017.GODINU SA PREDSTAVNICIMA KORISNIKA IZ OBLASTI SPORTA, OBLASTI KULTURE I NEVLADINOG SEKTORA IZ OBLASTI DRUŠTVENIH DJELATNOSTI

U četvrtak, 12.01.2017. godine u organizaciji Službe za ekonomski razvoj i društvene djelatnosti održane su javne rasprave o Nacrtu Budžeta Grada Tuzla za period 01.01. do 31.12.2017. godine i Nacrtu Odluke o izvršavanju Budžeta Grada Tuzla za period 01.01. do 31.12.2017. godine, u dijelu koji se odnosi na korisnike iz oblasti sporta, s početkom u 9:00 sati i oblasti kulture i nevladinog sektora, s početkom u 14:30 sati. Poziv za javne rasprave je objavljen na službenoj stranici Grada Tuzla i poslan svim udruženjima. Javnim raspravama je prisustvovao veliki broj predstavnika sportskih klubova, sportskog saveza, organizacija civilnog društva kao i omladinskih udruženja na kojima su iznijeli svoja mišljenja i dali prijedloge i sugestije za izradu prijedloga Budžeta Grada Tuzla, za 2017. godinu.

Javnoj raspravi iz oblasti sporta prisustvovali su:

RK "Sloboda Solana" Tuzla, RSD "Sloboda" Tuzla, Kuglaški klub Sloboda Tuzla, TSK "Sloboda", Biciklistički klub Zmaj od Bosne Tuzla, JP SKPC Mejdan Tuzla, Tuzamk Tuzla, Gradski nogometni/fudbalski savez, JUDO klub "Tuzla", MNK BOSNA KOMPRED Tuzla, Sportski savez Grada Tuzla Regionalni košarkaški savez Tuzla, Regionalni košarkaški saveza Tuzla Kantonalni sportski savez, Rukometni klub "Jedinstvo" Tuzla, Kuglaški klub Sloboda.

Nakon višesatne rasprave doneseni su sljedeći zaključci:

- Podjela sredstava za sport u Nacrtu Bužeta za 2017. godinu je realna
- Podržati aktivnosti klubova koje podrazumijevaju odlazak na takmičenja i turnire u druge gradove i zemlje;
- Povećati sredstva planirana za sportske manifestacije za 2017.
- Povećati sredstva za sport a koja se dodjeljuju po Javnom pozivu
- Posebna budžetska stavka za kupovinu sportske opreme i pomagala;
- Mora se napraviti kategorizacija klubova za finansiranje;
- Finansirati samo klubove koji su članovi sportskih saveza i ispunjavaju postavljene kriterije.

Javnoj raspravi iz oblasti kulture i nevladinog sektora prisustvovali su:

Odred izviđača Krin Tuzla, Udruženje likovnih umjetnika TK, UG "Kuća plamena mira", UG "Magic Factory, KUD "Pasci", Organizacija "Osmijeh za osmijeh", Društvo prijatelja knjige "Mali princ", Centar za kreativnu fotografiju Tuzla, Etno Club "Kicelj" Tuzla, Mješoviti hor "LEGE ARTIS", ARTZ produkcija Tuzla, UG "Kreativa" Tuzla, UG "Zemlja djece u BiH" te slikar Fikret Vršanin kao pojedinca.

Nakon konstruktivne rasprave predloženo je sljedeće:

- Povećati sredstva za UG "Kuća plamena mira" s obzirom da postojeća nisu dovoljna za redovno održavanje Kuće plamena mira
- Kreirati Budžet prema Državnom akcionom planu za djecu Bosne i Hercegovine (zajednički pripremljen od strane UNICEF-a i 'Save the Children),
- Povećati sredstva za romsku populaciju,
- Povećati sredstva kulturnu manifestaciju „Ljeto u Tuzli“
- Povećati iznos sredstava za nevladin sektor s obzirom da je iznos od 20.000, 00 KM predviđen za nevladin sektor mizeran i sramotan. U Tuzli djeluju najuspješnije nevladine organizacije sa izuzetno kvalitetnim programskim aktivnostima. Ne postoji razvijena kulturna politika Grada koja je propisana od strane Federacije;
- U Budžet je potrebno uvrstiti Grant za umjetničku produkciju u Gradu Tuzla (kako bi se finansirala proizvodnja/izrada, filmova, izložbi, predstava i sl., koje bi se kasnije same finansirale od prodaje ulaznica itd.). Ovo bi bio veoma dobar početni kapital za udruženja koja se bave umjetničkom produkcijom;

- Obezbiјedi poseban grant u budžetu za nabavku autohtonih narodnih nošnji koje predstavljaju naše krajeve i instrumenata potrebnih za nastupe KUD- ova i drugih udruženja.

6. PRIMJEDBE, PREDLOZI I SUGESTIJE KOJE SU U TOKU TRAJANJA JAVNE RASPRAVE PRISTIGLE U SLUŽBU ZA BUDŽET I FINANSIJE U PISANOJ FORMI SU SLJEDEĆE:

- **Komisija za komunalne poslove i pitanja mjesnih zajednica (Radna tijela GV Tuzla)**
- Da se u Budžetu Grada Tuzla za 2017.godinu obezbjede sredstva za nabavku i izgradnju podstanica za priključak na sistem centralnog grijanja Gradske pijace u ulici Tabašnica i Male pijace na Brčanskoj malti.
Za ovaj projekat potrebno je oko 100.000,00 KM.
- **„TRŽNICE – PIJACE“ d.o.o.**
- Da se u okviru mogućnosti pri kreiranju Budžeta za 2017.godinu planira određeni iznos sredstava za zagrijavanje pijačnih prostora.
- **BIT Centar**
- Da se poveća iznos sredstava za BIT Centar za dodatnih 35.000,00 KM obzirom da bez tog iznosa neće biti moguće poslovanje sa pozitivnim poslovnim rezultatom u 2017.godini.
- **UG „Sevdalije“ Tuzla**
- Zahtjev da se formira novi ekonomski kod u Budžetu za 2017.godinu sa nazivom „ Grant UG „Sevdalije“ Tuzla u iznosu od 7.200,00 KM.
- **JU Centar za socijalni rad – potrebno povećanje iznosa sredstava na pozicijama:**
- „Plaće“ umjesto planiranih 620.000,00 KM treba planirati 658.000,00 KM,
- na poziciji „doprinosi poslodavca“ umjesto 66.000,00 KM treba planirati iznos od 69.100,00 KM,
- na poziciji „naknade troškova zaposlenih“ umjesto 105.000,00 KM potrebno je planirati 114.600,00 KM.
- Na poziciji „ putni troškovi“ umjesto 1.000,00 KM planirati 2.000,00 KM. Zbog svakodnevnih terenskih zadataka.
- Na poziciji „Ostale ugovorene usluge“ umjesto planiranih 10.000,00 KM planirati iznos od 10.400,00 KM.
- Na poziciji „Izdaci za rad volontera“ umjesto planiranih 2.700,00 KM potrebno je 4.250,00 KM za pet volontera.

- **MZ ŠIĆKI BROD**

- Prijedlog da sredstva ostvarene od naknade Termoelektrane Tuzla po Nacrtu Budžeta za 2017. godinu u iznosu od 5.300.000,00 KM budu raspoređena po mjesnim zajednicama koje se nalaze u neporednom okruženju Termoelektrane Tuzla i to u svrhu realizacije planiranih kapitalnih projekata (GAP-a), a prvenstveno za nastavak toplifikacije (u skladu sa Zaključcima Gradskog vijeća iz marta 2016. godine), izgradnju doma kulture u mjesnoj zajednici Šićki Brod, finansiranje udruženja iz oblasti kulture, sporta i ekologije, kao i finansiranje ostalih projekata sa ciljem poboljšanja uslova života građana na području ove mjesne zajednice.

- **JP SKPC „MEJDAN“ d.o.o. Tuzla**

- Zahtjev za preraspodjelu sredstava utvrđenih Nacrtom za 2017.godinu, kako slijedi:
- na poziciji 614311-28 „Grant neprof.organizaciji sportski savez Grada Tuzla“ povećati iznos sa planiranih 125.000,00 KM na 250.000,00 KM;
- na poziciji 614329-19 „Transfer za rad JP SKPC „Mejdan“ Tuzla“ umanjiti iznos sa planiranih 250.000,00 KM na 125.000,00 KM;
- da se iz sredstava ostvarenih radom TE odobre sredstva u iznosu 150.000,00 KM za rekonstrukciju kuglane, uz obrazloženje da se zbog izmjene propisa 2008.godine od strane Kuglaškog saveza BIH na ovoj kuglani ne mogu odvijati prvoligaška takmičenja jer ima monolitno izlivenne staze. Kuglana trenutno domaćim klubovima samo za trenažni proces. Naglašeno je da kuglana najbolja u BIH jer jedina ima dnevno svjetlo i po opštem mišljenju kao objekat je najbolja.

ZAKLJUČAK

Naprijed navedene primjedbe, prijedlozi i sugestije koje su dostavljene u postupku javne rasprave ukazuju da su potrebe za finansijskim sredstvima iz Budžeta znatno veće u odnosu na sredstva utvrđena u Nacrtu Budžeta.

Za neke projekte koje su svojim primjedbama, prijedlozima i sugestijama na Nacrt Budžeta 2017.godine tražile mjesne zajednice, potrebno je istaći da je dio projekata već u fazi realizacije a dio projekata se nalazi u Programu kapitalnih investicija i realizovat će se po dinamici GAP metodologije.

U skladu sa prijedlozima vijećnika Gradskog vijeća Tuzla i ostalih učesnika javne rasprave, preraspodjelom sredstava koja su planirana Nacrtom Budžeta za 2017.godinu, u okviru raspoloživih sredstava, **povećane su postojeće ili uvrštene nove pozicije** u Prijedlogu Budžeta Grada Tuzla za 2017.godinu.

Služba za budžet i finansije